

四庫全書

集部

欽定四庫全書

海壑吟稿卷四

明 趙完璧 撰

七言律詩中

西莊晚歸

嶺頭旋旆已斜陽
十里山城緩不忙
酒向晚風消未得
詩從野色興偏長
川橫白鳥烟光暮
潮擁滄波海氣涼
鴻鴈冥冥誰得慕
朝來暮去水雲鄉

春日得二翟進士書兼枉佳篇

日邊雙鯉海邊來，愁絕惺惺塵抱開。
忽發仙函驚對面，更依藻思苦憐才。
鶯花異地春仍暮，雲樹經年老共催。
懷袖字應終不滅，斷魂芳草向高臺。

次韻楊契玄秋日閒居

風清踈柳咽寒蟬，拽杖芳庭自快然。
藪藪落花飛晚徑，依依閒鷺睡秋蓮。
蘋溪何意三千釣，竹塢忘情五十絃。
終日看雲無一事，不知霜鬢向殘年。

虹

逸勢翩翩挂海頭
神光熒熒炫人眸
長橋朗跨蓬瀛迴
美錦誰纏醉舞休
銀釜雲平從痛飲
玉人烟際暫淹留
斜陽相送天涯暮
擬破巫陽一夜愁

六月二十九日過小莊

丘壑崎嶇偶一經
暄炎適得片時清
主人十里春來少
桃李千株子已成
欲去未能窺晚照
乍醒還醉聽啼鶯
年來何事城中久
書閣留人不放行

次韻冬日小雨

海國寒雲鎖晝晴
北風旋作雨絲輕
疎梅冷浸嬌含玉
黃竹低垂暗有聲
室藹芳蘭航逸靜
門閒枯柳謝將迎
楚騷歌徹虞絃雅
環堵何妨近市城

夜坐用韻

滄溟無夢遶秦關
日絕塵勞夜更閒
雲吐月來看不厭
風吹雪散酒初闌
殘更詩思碧窻靜
半夜琴聲絳蠟寒
布被茅堂從坐臥
浪無羈束漫成歡

喜晴

疾雨飛雲慘淡收，清風蕭颯曉涼浮。
石榴浥潤紅粧膩，水藕凌寒紫豔羞。
四野凭欄詩裏畫，八窗欹枕夢中秋。
日長細柳柴門靜，一曲玄蟬竟夕幽。

入夜大雨不絕

黑雲冥冥來海東，翻盆急雨吹狂風。
驚雷走電晝還夜，傾牆頽屋家幾空。
峻湍崔巍捲平地，陰烟上下俄鴻濛。
更深誰為乞鄰火，坐聽瀑布心忡忡。

庚申秋苦雨

海國窮陰雨散絲，秋風不見霽開時。
千峯秀色知何處，一刻清光費夢思。
石燕歡騰洲渚外，荳花零落水雲涯。
泉聲不盡蛙聲劇，攪夜無眠漏更遲。

秋日雨霽病况蕭然庭下閒適

雨後新涼不自持，枯藤捲去遶寒籬。
龍鍾老鶴秋風勁，寂寞閒庭落日遲。
把酒頽齡心易醉，看花滿眼鬢成絲。
夢中日月籠中鳥，猶自蹉跎訪藥期。

送王冠峯分教舒城

魯鐸聲殘馬帳開
淮南生色向春雷
匡時禮樂從周典
復古文章陋漢才
丹桂天涯尋舊約
碧桃雨後試新栽
龍泉晚効秋江捷
得意清聯玉笋回

寄舒城孫小渠

長憶匡廬孫子荆
燕山契雅豈忘情
雪中詩酒淹瓊漏
月下笙歌遶鳳城
萍梗天涯嗟宦跡
桂香秋晚慕才名
江湖雙鯉開春綠
珍重緘書達海瀛

辛酉寒食同春泉兄小飲 用韻

暝掃春雲宴小堂，孤城海月正蒼蒼。
清風拂夜侵簾冷，紅雨飄烟入戶香。
人靜竹窻猶共語，酒酣花萼好同牀。
良宵且莫拋春夢，曾向寒原聽白楊。

商林曉行

雲暖烟消欲曙天，行人驅馬杏花前。
故園桃李春如錦，客路風塵日似年。
山水倦人休未得，功名老我少無緣。
蓬瀛冉冉東來近，早晚華堂萊綵翩。

次韻中秋獨酌感懷

鼓絕山城夜正幽，雅懷對酒更何愁。
功名勘破浮生夢，風月清餘海國秋。
一醉良宵情洩洩，孤吟殘漏思悠悠。
徘徊未遣嫦娥別，遮莫雞人五報籌。

沐陽早發

山城搥鼓四更時，官道蕭蕭馬正嘶。
霜重敝貂寒透骨，月明啼鴈迴生思。
長風遊子驅千里，喬木微禽羨一枝。
坐損紅顏成底事，吳山楚水轉相嗤。

送張萼江太守擢貳南安

風正滄溟白鷁輕
東山翻仰大江名
紫泥有寵憑誰借
赤子無緣空復情
身世百年揖雋傑
口碑千古自分明
青錢那復期君一
為祝高門覬後生

早春雪後獨坐

東風吹雪劇春寒
幽室孤居對碧山
簾外凍雲青不散
簷前新月冷初彎
十年官迹驚殘夢
一息塵機慰老閒
竹裏酒杯冥日夜
流年休問鏡中顏

雪中思梅

憶向東風雪幾番
小庭寥落玉欄干
暗香何處凌寒度
疎影誰家徹夜看
獨弄虞絃春晝靜
空餘羌管月明殘
金樽彩筆孤清賞
惆悵江雲興未闌

用韻春閒二首

白髮恬居滄海濱
蘭裾不浣屬車塵
風前聽竹衝牙細
雨後看山翠黛新
香惹梵烟蓮社叟
醉沉花塢葛天民
不教拾得芳菲恨
數把金樽挽却春

秦關東下罷征騷久客燕山此日南萬里秋塵孤鳥倦
五湖春水寸心涵清樽夜夜情何極碧樹年年人豈堪
飛翰謝無風雨駛鉢催客次每教三

次韻秋興二首

一葉銀牀早報秋天聲濤捲下西樓翠篔逸興開三徑
黃菊清光專一丘千古英雄翻浪雪一身天地笑蜉蝣
年來嘆息風塵事潮落潮生青海頭

窮海幽潛傍鶴田優游清境不知年松陰月落收窻外

山色雲開到案前
渡晚紅迷霞際
水汲晨青破石龕
烟閒閒敢自忘斯世
秋釀醺人日醅然

雨中桃花

驚風疎雨度新枝
曉衰紅粧半不支
含淚有情胡塞別
沐芳無力華清時
胭脂冷濕青烟合
絳雪香沉碧蘚滋
簾捲幽軒看不厭
漫漫春浸武陵涯

閒坐

幽人無事坐虛堂
小院風清日正長
芳圃雨晴翻紫藥

短牆雲靜倚脩篁紅塵車馬迷清晝金谷笙歌共夕陽
多少欲閒閒未得一般深味滿詩腸

小珠山秀倚城南咫尺嶽崧老未登覽聞其勝
而慕之用揚公可久韻謾賦寄懷

白頭伊邇未躋攀聞道竒觀絕宇寰送盡歸雲殘照裏
興高終日翠微間緱山鶴去塵緣渺天姥魂飛月下還
竟欲晚尋麋鹿跡俗羈爭得片時閒

次韻仇太守肯兒山

山風颯颯向清秋，古屋探幽一暫留。
飛瀑訇雷青壁下，弱雲如水翠岩流。
閒中日月拋雙鳥，靜裏烟霞笑五侯。
何用紅塵空白首，全身是處即丹丘。

次韻滴水菴

靈源莫測此歸溁，千古摩尼下翠屏。
環珮有聲寒出谷，蛟龍沉碧夜吞星。
清開塵眼還侵骨，靜照禪心不役形。
擬訪真如來物外，冥冥白首坐烟青。

次韻歲寒亭

絕壁荒亭歲月深，長松鬱鬱蔭寒林。
曾教炎暑來酷吏，誰向清風會賞音。
冰雪有情偕暮節，乾坤無地表貞心。
寂寥盡日啼幽鳥，何事遊人未解襟。

次韻張萼江太守過松山

古榦蟠雲老翠虬，清風騷屑暫來休。
半天晴影蒼崖畔，一派新涼碧海陬。
秋色故餘還似水，濤聲欲瀉未成流。
煩襟久已無從滌，此日經過許散愁。

北窻

北窻一枕寄高情，久息塵機心獨清。臥看閒雲來自變，
靜聽啼鳥暗遺聲。蒼筠冷浸華胥夢，赤夏涼生白玉京。
老去日休無一恙，不須藥物更身輕。

古城

古城矗矗碧雲茫，迹經過感喪亡。流水有聲號暮靄，
遠山無語送斜陽。豪華恨逐何時盡，野草愁餘故國長。
風景蕭然徒極目，平沙渺渺鴈行行。

言月林謫歸道中喜見羣山

終日紛紛俗務中出門喜見翠螺峯幽情久抱空斑鬢
勝槩長孤抵醉翁擬採紫芝休晚歲便從白鹿仰高風
同心欲拉丹丘子又恐春雷起臥龍

獨居

獨居獨坐獨閒行豈有比隣慰此生翠岱向人原不語
綠溪遶我去無情焦桐古調憑誰奏綵筆新詩祇自賡
一片野鷗蒼海上好風良月共魂清

都城冬夜醉眠

霜滿珠簾月滿天
鳳城撾鼓夜悠然
風塵宦況淡于水
山海歸心急似弦
一醉清宵冥世態
五更銀燭攬愁眠
蓼蟲合是忘辛物
白首衰頽恨未前

曉過紀省吾靈濟宮次舍

曙色蒼蒼駐繡鞍
銀臺仙子夢初殘
晴霞玉闕韜秋日
青靄朱門瑣曉寒
病骨可能依睡鶴
旅魂常自遶吟壇
西風合笑塵羈久
鬱鬱憑誰說肺肝

送管勵山進士尹六合

夷吾秋晚之江左鮑叔情深縉水頭百里蒼生明主意
萬山青靄故人愁彈琴更有昔人興鳴鳳終看盛世休
衰柳西風一杯酒好將忠赤答旁求

小雪初晴夜坐有懷倪若谷中舍

小雪初晴永夜寒挑燈長憶老倪寬襟涵淵海探非易
調入陽春和更難雲冷鴈聲人不寐窻虛月轉漏將殘
小橋猶自限南北孤負良宵興未闌

北司獄中用蘇長公韻二首

嘉靖甲寅秋秋曹檄捕豪校某因獲罪東湖
翁劾執坐死賴元老科臺之力僅復瓦全垂

死中時洩幽悃

直從枯槁探陽春
翻作冥投却殞身
地下不慚今日鬼
天涯望絕故鄉人
獨知心上原無累
豈信人間更有神
松菊海邊千里恨
殘魂零落更何因

金吾肅穆晚風悽
玉漏遲遲銀漢低
何意微軀投猛虎
祇緣薄祿混羣鷄
如弦速惠思先哲
繞指全身負拙妻

或覲一生瀕萬死漁樵雲水任東西

西臺獄中簡楊椒山

北風沉漏夜如年輾轉愁人獨不眠
顏壁濃霜寒冽冽破窻殘月冷娟娟
故鄉有夢人千里病骨誰憐雪滿顛
垂老自嗟還自笑飛鴻誰復慕江天

次韻酬楊椒山四首

夙挹風流效折巾低頭此日愧山人
出門有礙應懷古學道無成合累身
筋力日衰猶蹈險風霜夜寂更傷神

拂衣未遂江湖意補袞終慚社稷臣

蓬瀛回首欲沾巾勢入艱危託故人
禍性由來難避俗迂儒垂老拙謀身
赭衣相值仇秦越綵筆誰看泣鬼神
辛苦不妨淹日月授書喜有漢良臣

海上長思烏角巾樊籠愁殺宦遊人
空隨秋鴈頻回首安得晨風一奮身
古柏凌風常浙瀝老梅含雪更精神
賦詩共荷天王聖取罪還知自小臣

曾向王公浪脫巾英豪跌宕邁稠人
乾坤老我凋雙鬢

金剛經卷四
卷四
風月憑誰伴一身事變蒼黃堪墮淚天高視聽豈無神
窮陰急景催年暮引領金雞釋罪臣

大名野水舟中

野渡茫茫接曉烟艱難世路復登船薰葭聲裡風驚雨
楊柳叢中水拍天釣艇日間誰是主蘋洲秋老自應憐
天涯宦況澹如許一望東溟一慨然

淇縣道中望西山有感

海天回首思茫茫入眼青山欲斷腸縹渺烟蕪秦塞迥

飄零霜樹楚雲涼
逢人把酒酣清夜
高興題詩付錦囊
自嘆路難難未已
此行真自媿王陽

閩鄉道中

六十頽齡獨可歎
五千餘里一微官
河臨斷岸魂應斷
逕入寒岩膽亦寒
白鴈關心秋杳杳
黃塵吹面日漫漫
籬英爛漫情如失
嶺樹迢遙興欲闌

清豐道中逢雲南戴玉園推府

漫漫長路可堪愁
何幸英雄際盛遊
落木晚山人似約

短亭濁酒意無休
陽春雅調曾誰和
雪夜高情此日酬
萍梗秋風仍萬里
隴雲滇水思悠悠

觀諸陵有感

人間富貴只如斯
地下英魂莫自疑
兩漢風流秋寂寂
二秦功業草離離
丘陵何用千年計
指點空令萬古悲
西餓匹夫今不見
高名竟與首陽夷

乾溝驛道中

迢遞秦川合斷腸
病軀白髮日蒼皇
黃雲渺渺望不極

紫塞茫茫情自傷
浙瀝高風初作凜
腫臃冷月尚含光
山城半夜無燈火
調盡霜茄漏正長

宿青家驛

古驛蕭條獨宿時
悲風吹動故鄉思
踈燈半夜窻前暗
殘漏孤城月下遲
人為浮名來絕塞
書因遙阻到無期
夢魂忽忽驚寒榻
唱徹鷄聲又路歧

青家驛曉發

肩輿清曉出山城
塞上風烟愴客情
日畔旌旗微有色

霜中鞀鼓暗無聲凝寒割面重裘薄晚節忘身一羽輕
多病不堪勞遠役羞將藥裏伴微名

次韻落花

款款飄零絳雪光合烟蒼蘚不成粧蝶蜂幾日憐春色
風雨連宵妬異香浮去湯隨無意水拾來長憶有情郎
玉階不掃黃昏月檀板金樽坐晚涼

鷄冠花

亭亭斜倚玉欄秋緩帶仙粧塵外幽對日欲酣紅暈臉

舞風如意錦纏頭奪炎自惜班姬扇妬夜還生青女愁
誰把芳姿擬驍健爭妍鬪寵一生羞

野人鬻鶴

何事臯禽繫野狂雲霄仙格墮塵鄉兒童白日駭心眼
肉食黃金議豕羊雪羽投人混鷄鶩青泉得意笑林塘
瑤池萬里嗟殘夢靈囿千年空斷腸

南山曉行

石徑無媒野草青悠悠驅馬曉烟橫霞分曙色浮蒼莽

雲冷秋空倚翠屏
麝鹿閒眠駭征轡
山花開口笑行旌
西風捲地迴蕭索
獨叩龍泉吁紫冥

過蘇州

雲錦乘風吳水頭
繁華滿眼過蘇州
青樓簾箔烟花暖
畫舫笙簫激澗浮
薄霧山鍾驚市晚
斜陽漁笛使人愁
孤舟對酒不成醉
明月胥門坐未休

宿望江

北風雲暗雨如絲
曖曖孤村欲暝時
野港繫舟聊寓宿

寒宵沽酒獨吟詩
乾坤曠蕩渾無用
湖海淹淫未有期
一點青燈千里夢
江山歲晚結幽思

落葉

霜冷風清綠已休
紛紛黃紫總驚秋
僧廊凌亂無人掃
江國蕭條劇客愁
山麓一空天際濶
紗窻終夕雨聲悠
青娥豈是無情物
剝復真機不自由

晚春小齋即事

小庭人靜愜春長
珠箔微風度暗香
雨過檻花開錦繡

日高樊鳥哢笙黃脩篁鬱鬱雲依石晴絮霏霏雪滿廊
一曲焦桐一榻夢不知身世在羲皇

秋夜

秋色愁人夜不眠鳴蛩四壁意蕭然小窻影落松簷月
虛室寒生竹戶烟巧偽向人今有覩文章憎命古無緣
平生合恨謀生拙坐遣白頭媿少年

道見饑民掃拾草子

渺渺荒原雪欲殘窮民無計掃凝寒置錐無地周田壞

潦水滔天舜帝難困麓已空猶菜色簸揚何日足飢餐
散金不解書生策徒向陳紅發浩歎

諸城道中

孤村酒盡促征鞍急景凋年道路難四野荒烟迷客望
半山殘雪迫人寒孤依玄鶴林間唳百中青骹草際餐
冉冉危岡下餘暎馬啼何處說辛酸

春夜懷馬珠岩

春夜沉沉春月明春光不與故人并星河庭院何時曙

烟靄溪橋無限情
滄海交游齊鮑叔
玉堂文藻漢張衡
迢遙畫角吹殘夢
寥落梅花負短檠

己酉除夕

五十今宵除已盡
明朝五十一相依
年逾尼父未知命
老過蘧翁曾悟非
世事無憑慚我拙
文章何益壯心違
酒杯且莫浮椒柏
辛苦平生豈細微

賀吳司訓榮膺臺獎

妙簡蓬瀛適可親
風流儒雅更無論
玄機秘啟青藜夜

大造潛回絳帳春
桃李門前新雨足
絃歌海上古風淳
明時豈負旌賢寵
會見霜臺荅紫宸

夏日久雨簡高介亭三首

淫雨淒淒久不收
烟雲迢遞暗滄洲
畫簷泉落消煩暑
疎竹涼生歛早秋
青眼誰為心上友
蒼筠夢遶潯南樓
芭蕉聲裡無窮思
獨倚閒窻聽未休

對雨高齋興未收
幽居清曠亦仙洲
雲來雲去朝還暮
花落花開春又秋
已遣亂蛙喧鼓吹
不成雌霓挂岑樓

巫陽合自仙衣濕何事霏霏不肯休

溪頭雨暗釣綸收
翡翠繞歸蘆荻洲
逸興喚來西舍酒
清風臥向北窻秋
梧堦滴破江湘夢
烟景題堪海岳樓
日夜瀟瀟渾不已
老懷佳趣亦無休

用韻喜晴二首

幾日愁霖一夕收
晴薰吹綠滿蘋洲
山光浥潤濃如畫
水氣生寒忽作秋
竹塢烟銷頻駐履
海天雲盡一登樓
啼鶯恐負芳時飲
花外催人故不休

之死賊與妻妾之報公可以知公之為人矣天不殄其
後豈不宜哉銘曰

雲雷遘屯宇區分篤生真人鎮乾坤騎龍鞭霆下天門
前翼後衛瀚若雲誰其最雄花將軍力驅智駕敵萬人
蹂躪羣盜猶麈磨大刀長戟屬囊鞬左麾右刺流電奔
緋衣緇弁貔虎屯駐馬飲江江水渾吳越之域殺氣昏
手挽天河洗妖氛軍聲隆隆若雷震遭者膽落兩足蹲
元戎開府大江濱腰佩兵符威令尊控制上游為國藩

偽漢恃力不圖存建旗揚帆事征鼓艨艟蔽江躡鈎援
梃牛享士士氣伸馳馬督戰寧顧身賊焰熾若烈火焚
大戰三日勢愈殷單騎赴之齒齧鬣怒髮上衝氣如烟

叶

汝賊兇頑夫與豚願醢汝肉一口吞賊慙耳塞不忍

聞至死不屈酬國恩飄然乘雲叩帝閭請為厲鬼扼賊
元賊當殛死洗厥寃天子下詔褒忠勲東丘建侯賁九
原孤兒保育寵便蕃不墜宗祀天所救生為烈士死明
神神靈在天光焯焯嗟爾來觀萬子孫繼忠思孝慎勿

設弗信請考太史文

故翰林侍講學士中順大夫知制誥同修國史危

公新墓碑銘

嗚呼翰林侍講學士中順大夫知制誥同修國史危公
享年七十以洪武五年春正月二十三日卒于和州含
山縣之寓舍其年二月十五日權厝於含山某年月日
始還葬金溪白馬鄉高橋之原其子於深懼公之
反功行世系不昭白于天下晝夜兢惕自為狀二萬言來

謁新墓之銘濂守官無暇久未克論謨春正月蒙恩致政東歸私念公相知特深在前朝時欲引薦入史館及今待罪禁林實與公為同僚相得甚驩於是評隲羣行而勒文于碑其文曰公諱素字大傑姓危氏危本姬姓周武王庶子某生而手中有文曰山因賜姓危氏封於新其後居光州晉永嘉中建州刺史京遷建昌之南城唐黃巢之亂全諷與其弟仔倡赤手起兵擒巢黨柳彥章于象牙潭擢撫州刺史累官金紫光祿大夫檢校大

蠶食看人此際聲江左朱衣非是夢

謂慎修與
簾事戒也

海邊丹

鳳擬先鳴

謂慎幾與
試事勉也

白頭已誤青袍拙奕世科名覲後

生

壯圖曾此淚沾衣老向人間混是非得失功名春夢斷
古今榮利露華晞身歸大塊茫茫心向空門種種稀
莫說風簷爭寸晷且將杯酒送斜暉

丁卯鹽城中秋感懷

有序

是秋慎修分簾南都慎幾應試東省老妻攜

慎動兒膠東衰叟從銀鶯孫鹽漬固皆一時
美事然值此良宵而能無感漫賦用紀客懷

云

中秋雲盡月華涼骨肉良宵寄四方一鳳南飛奎耀彩
三郎西赴月探香荆簪攜幼澹溟曲藜杖弄孫淮水傍
共向一輪清影下離情各自抱衷腸

次韻吹笛牧兒

短笛山童學跨牛英音不著利名愁雨昏揚柳堪腸斷

月冷關山合淚流三弄緩歸荒落晚數聲吹老綠蕪秋
太平有象清風外飄落梅花遍海陬

己巳元夕二首

考鼓槌鐘夜正賒暢懷春事老烟霞樓臺月映蓬山色
歌管風清仙子家綺席有情催刻漏山城無事共誼譁
黃柑綠酒堪乘興一醉相忘兩鬢華

新逢三五興初賒玉漏遲遲進紫霞明月翫來知幾醉
華燈看去說誰家祠開太乙春方劇禁弛金吾夜正譁

七袞放歌歡故里十年羈客笑京華

登樓晴眺

宿雲收盡曉初晴獨倚樓臺寓目清
亂水拖藍遙接海千峯凝翠藹連城
興高平楚朱欄外酒送飛花小院輕
塵點不侵寥廓靜超然身世在蓬瀛

夏日雨後閒居簡秦余臺太守

夏木陰陰雨乍過幽人獨適向山阿
啼鶯隔岸笙簧細古蘚侵堦翡翠多
竹杖緩移蒼靄徑釣絲偶動碧雲波

巢由樂有明良在枕上華胥醉後歌

高時齋節推署膠事春日簡上

九霄旌旆拂春烟遐域蒼生慰所天
關隴豪華輝海岱伊周聲聞達幽燕
青陽化協窮陰後玉樹清春暖吹前
林壑熙熙歡不已佇看鳴鳳五雲邊

次韻唐人劉阮五首

劉阮遊天台

翠微深入興方新却笑浮生誤紫塵
絕壁恍開他日夢

片雲擬老此生身，真機有悟元非晚。
清景無涯別是春，採徧紫芝從浩漫。
綺園猶笑漢羈人。

劉阮洞中遇諸仙子

洞遶寒溪古木蒼，偶窮雲際出微茫。
不知天上歸蟾窟，疑有人間奏鳳簧。
青眼夢中心未穩，瑤池春過興初長。
匆匆却訝相逢好，自是相逢悞二郎。

仙子送劉阮出洞

名山高峙倚三台，何事郎歸何事來。
紫帳儵驚青鳥別。

翠岑遙送綵雲開
楊花決絕應難致
溪水悠長可易迴
洞口歌殘千古恨
蕭條風雨老莓苔

仙子洞中有懷劉阮

臥憐薄倖損霓裳
古洞生寒思正長
芳草不歸春寂寞
斜陽凝望晚蒼蒼
鶴飛滄海雲初斷
人遠瑤臺花自香
風樹蕭蕭月炯炯
晤郎彷彿復羞郎

劉阮再到天台不復見諸仙子

歡合從前記尚真
不堪重問杳音塵
玉簫金粉遺新恨

紅樹青山失舊隣
野鳥喚回花底夢
水雲悽斷洞中春
故鄉落寞人去空
對斜暉愁殺人

次韻懶出門酬水南

柴門反閉動經旬
竹石琴書是所親
半榻清風成獨坐
一瓢春酒共誰斟
浮雲有變歸冥默
世務無憑混偽真
却笑生平多滯礙
出門何處可容身

逆前韻

出門何處可容身
夢裡乾坤莫認真
晉楚豪華渾不見

阮劉寂寞更能斟在天富貴應難必到手壺觴自可親
月夕花朝從我好合期共醉百餘旬

癸卯中秋

酒滿金樽月滿天
清秋兒女笑星前
喬松空自傳千古
金石誰同固萬年
三百清銅直土苴
沉酣良夜擬神仙
人生莫遣佳時負
豈有江河西復還

次韻胡虛白公蘇武牧羊圖

羝乳何年仗節旄
中原君相久忘勞
珊鉤歌擊秋風細

金屋沉酣夜月高，多病茂陵歸駟馬。
詎諧方朔已緋袍，中郎老迂歸來寵。
獨把青銅歎鬢毛。

癸酉秋苦雨

帶雨閒雲西復東，朝昏巫女意匆匆。
蓬瀛望絕連天霧，湖海波翻驀地風。
臨水花涵青鏡裏，看苔人在翠帷中。
炊珠爨桂秋將晚，祇有題詩興未窮。

又

天空石破偶驚猜，逗漏鴻泉海國來。
長晝翻盆迷白日。

連宵注瀑鬪狂雷三旬水潦無餘地八十年來未見灾
老插漁竿閒臥處中原點檢濟川才

小樓晚興

獨倚闌干眺夕暉山城秋色正依稀蟬聲不定風枝裊
虹影初殘雨意微看去墨雲雙鳥沒聽來紫塞一鴻歸
悠然清興不可寫明月滿庭梧葉飛

春曉枕上偶成

語燕匆匆傍曙歸幽人慵起閉柴扉夢回花塢啼春鳥

人靜松窻鎖曉霏
城市意閒青嶂在
交游情澹紫塵違
衰殘無事冥搜苦
清對琴牀臥翠微

蛩聲

清秋何事此悲蛩
散入塵寰恨不同
舊國荒榛寒雨裏
古陵衰草夕陽中
沉沉庭院殘更月
寂寂樓臺落木風
無奈年年苦相值
是誰沉醉在笙鏞


春日樓上琴餘小飲

長晝如何愜好懷
琴樽清暇畫樓開
朱絃久為王門絕

白雪新傳郢客來駿馬五花能換酒浮生一夢可銜杯
醉中更有憑闌興滿目山川媿匪才

鹽城新秋即事

涼風吹人七月前清秋爽氣開新鮮狂雨既過亂蘚濕
遠山欲瘦孤雲連黃葉萋庭自作舞青蟲吐絲相對懸
稻花飛香海署靜何處老翁來醉眠



海壑吟稿卷四

欽定四庫全書

集部
海峯吟稿卷五
六

詳校官檢討臣劉炳

侍讀臣孫球覆勘

總校官編修臣倉聖脉

校對官學正臣翁樹棠

謄錄監生臣王 宮

欽定四庫全書

海壑吟稿卷五

明 趙完璧 撰

七言律詩

下

庚戌京邸除夕

的的寒燈照寂寥，悽悽鄉國望迢迢。
樽前欲醉腸應斷，客裏逢春冷未消。
雪暗歸鴻書不至，雲迷孤鶴思無聊。
衰年含笑燕山客，獨對東風慕聖朝。

再次韻孫小渠除夕

一年將盡寄金臺千里蕭條獨舉杯
臘候無聊燈下別春光有頃暗中來
身羈異境添霜鬢心逐薰爐化劫灰
鄉國好憑飛夢去數聲寒角故吹回

白川

萬頃長川入望平烟開渺渺澹虛清
翔鷗飛鷺茫如失落絮遊絲迴未明
極目晴光霜練淨迫人寒色玉塵輕
悠然太素還千古一幅齊紈畫未成

春夜飲王吉菴兄弟宅醉歸賦簡

春夜沉沉漏未終
畫堂銀燭暖搖紅
鍾期古調塵氛外
逸少家風談笑中
紫陌醉迷青海月
蒼苔健倒白頭翁
天涯何幸逢知己
聊慰羈愁日夜東

京邸清明

遙憶芳菲故里春
長安憐作一羈人
松楸望斷青山外
花鳥清孤滄海濱
黃霧樓臺相識盡
玉壺醴醕為誰斟
寂寥獨倚東風醉
簾幕黃昏燕子新

次韻送張省幾司城歸休

鏤干繁劇試多年報主哀顛惕皓然回首不堪孤鶴
怨拂衣曾為一絲牽斜陽晚浦憐樽酒歸鴈春風慰海
天滿目紅塵陶令去羈人淚落五雲邊

艾山晚歸

斜日亭亭石徑歸秋風颯颯捲征衣林聲度晚醒殘酒
山氣生寒下翠微黃菊暫留烏帽去落霞遙逐斷鴻飛
蒼茫猶自餘清興新月依人弄夕暉

癸丑寒食

無限花開無限情
此身那得一閒行
銀鞍柳外誰家子
玉笛風前何處聲
俗務絆人春已老
清光猶夢醉難成
賞心久負浮生意
鷗鷺爭如早締盟

春暮感懷

春色初闌杏雪飛
惱人情思暗依依
風塵滿目誰相慰
觴詠無心久自違
雲斷遠山虛淑景
簾垂清晝送斜暉
天真欲寫仍羈旅
白首淹遲未拂衣

九日集飲邊樂亭工所二首

不見黃花兩度秋，西風此日共優游。
青山入望飛難近，俗事侵人却未休。
佳節祇今憐白髮，賞心思昔對金甌。
征鴻落葉無吟興，暫把茱萸一破愁。

燕山風物向高秋，稅駕塵機合暫游。
寒日晚籬黃欲破，淡烟晴野綠初休。
官衙竊祿慚金闕，人事傷懷到玉甌。
山水幽閒何日遂，蓬瀛回首浪生愁。

晚秋過城西廣通寺用韻

颯颯秋風靜法堂幽吟無與共酣觴踈竦寶樹垂清影
冉冉天花散異香落照催歸山郭寺漁舟看弄水雲鄉
遲留合慰偷閒意俗擾從來抱恨長

次韻李東岡關山

逢人是處說關山巖險真成百二關空谷陰寒催白髮
崇巒顛頓損朱顏才輸周召應知止老人氏羌却憶閒
落日啼猿腸欲斷可堪征袖淚痕斑

流曲河

流曲河邊促曉行桃源乍喜赴仙程溪聲雪激寒潮吼
山色屏開翠黛明楊柳石磯白晝靜桑麻村落碧烟輕
空惚不慰徘徊意風送黃塵無限情

早春用韻

東風策策拂餘寒靜掩柴扉戴鶻冠晷影漸舒閭裏度
梅紅初上醉中看燒蘭暖合芳庭靄煮茗清分活水湍
衰謝却宜春色早韶華真與意相安

次黃海野韻寄李翁明齋

壯心飛向白雲頭
桂窟蓬瀛擬漫遊
勲業不堪青鏡老
璠璣早為碧山留
孤蹤悵望韶華暮
雙眼迢遙烟樹稠
風月滿天春寂寂
相違相憶兩無休

雨後夜坐

赤日煎沙苦未休
墨雲拖雨倏然收
中天霽魄三更晝
一夕新涼六月秋
深院無人風細細
古槐垂露夜悠悠
坐斜星漢清無寐
酒醒芳庭獨自謳

次韻登艾山

風塵夢想故山遊，白髮投簪向急流。世路不堪驚險絕，
幽懷自合老林丘。放歌邈逸青冥鶴，把酒茫然滄海洲。
黃綺一歸紫芝老，白雲此日慰鄉愁。

次韻刈麥

宦海風波已倦遊，東山生計老春秋。杜鵑啼歇桑重綠，
梅雨晴初麥乍收。餅餌香風新足慰，流移此日故還稠。
巢由何與唐虞事，自是江湖魏闕憂。

庭下新鑿二小泉

小泉新甃碧泓渟混沌鑿開雙眼明
入夜淪光動銀漢
浮空霽色接滄溟孤居適意寒江破
一片閒心秋影澄
不敢濯纓蕩萍翠魚龍時作雨雲冥

七月苦熱

纔喜新秋不自勝
豈期煩暑轉相仍
微風小動爐中出
虛閣高凌甑裏蒸
汗浹徒勞白羽扇
肺乾空想玉壺冰
倏然欲奮凌風翼
汗漫清虛去未能

贈江龍所別駕署膠

風流文藻挹英賢
綵筆通靈有異傳
冀北羣空還自負
漢南獨步更誰先
滄溟治績曾無右
青史勲名不道前
垂老會逢今日盛
相忘夔契醉堯天

曹文村晚歸

斜日荒山返旆旌
野烟迢遞暗孤城
路迷春草連雲碧
水遠寒川隔岸明
細雨不禁花外冷
驚風可奈樹邊聲
芳菲有興催歸急
每苦登臨不稱情

癸酉夏日赴西莊

翠柳千條拂曉風亂山如迓擁晴空閒情緩響蟬聲裏
幽興題詩烟靄中野草連天望迢遞人家隔水正冥濛
青松短壑遙相慰一入白雲暑自窮

癸酉七夕

雨霽風清佳夕閒從人遙指絳河間鵲橋誕妄今何在
牛女虛無歲往還祇以盈盈一水隔却疑脉脉兩情關
人間底事仍相乞夢向顛迷話更艱

癸酉秋閑慎幾應試曉發感書

癸酉秋七月之望慎幾曉赴省闈宵雨甫霽
曉曦蒼涼清吹激於虛襟烟光染於迢遞撫
清爽之凝眸而早歲壯懷怵然又動且慨老
無成貽譏薄子良可莞恨但二郎已叨甲第
三郎又覲秋捷亦海曲之螢光僅為末齡薄
慰耳漫爾此賦

一番清爽雨初晴正是英才折桂行雲路秋風香颯颯
海山曉色翠盈盈壯懷有激仍昔日大笑無成奈後生

白髮關情還作喜
幾家麟鳳疊芳聲

贈王碧溪太守

晉魯勲名夙所欽
朱幡適慰海之濱
蒼生曠被岐風舊
白首重看漢吏新
妙簡無私遭聖主
催科有政屬能臣

虎牢晚託重關險

謂崇墉有績

犬吠生釐擬誦頻

聞試滄海遺珠感賦

精英夙自結驪龍
明月清光重海東
擬破幽昏當暮夜
合增輝彩向瓊宮
沉泥滄浦知誰惜
按劍朱門總未逢

安得高風來象罔便應長價到隋公

清明

春入清明自可遊竊將樂事脫閒愁落花烟裏從春酌
細柳風前縱野謳去歲隴添今歲墓千年人悞百年謀
六龍不為人間駐莫遣風塵空白頭

殘臘小雪晚晴

小雪隨風旋復晴晚曛獨眺自分明雲歸海浦寒空淨
烟迴川原冷玉輕頃刻作花非積素顛狂為瑞竟虛名

冬深不協蒼生望徒遣微陰蔽太清

書能仁寺上人壁間

十二回廊月正明菩提相見悟三生
法雲真際醒塵眼寶樹清陰慰客情
一壑泉鳴驚卓錫半天風下質飛旌
金繩夢想開迷境此日相從憩化城

五夜不寐

脩篁移影月初沉青女侵窓夜不禁
星下繁機猶在眼海邊歸夢尚關心
啼殘沙鴈燕雲冷開徧籬英塞日深

輾轉寒更渾不寐
媿羈升斗未抽簪

旅夜

霜清月白酒初醒
嗚咽悲笳調鳳城
紗靜老梅橫瘦影
庭空踈竹送寒聲
羈愁多病頭應白
王事關心夢不清
輾轉殘更眠未得
宦情爭似故鄉情

次韻秋園晚興

殘照離離帶遠林
秋園晚色豁塵襟
玉欄風細梧桐落
石竇烟涵蟋蟀吟
題句恨無堪刻竹
歸巢喜有倦飛禽

金錢滿地知誰惜，醉卧蒼苔興獨深。

喜月林奉使回京師

他鄉大喜故人回，塵抱相從一暫開。
芝宇三秋孤館夢，萍蹤萬里五雲偕。
北風興逸燕山酒，皎月歌殘郭隗臺。
宦海由來無定所，老懷可奈濟川才。

海屋添籌壽尹金峰侍御太翁

關河迢遞思無窮，落照蒼茫望未通。
金闕日淹周柱史，碧山雲老漢芝翁。
烟開青鳥揖金母，籌徙滄溟禮木公。

天澤年來更優渥紫泥黃閣下清風

將旦鹽城作

窓外驚風颯五更敝衾時覺冽寒生乍回旅夢聞殘鼓
倦寫新詞向短檠斜月半窓餘紙淡踈鐘幾杵帶霜清
十年不為朝鷄擾今聽兒衙報曉聲

夏日西莊

炎赫西來耽野芳古槐踈柳蔭茅堂破窓不阻南薰細
深院常涵宿霧涼茵枕清眠移白日柴門幽啓對滄浪

杖藜散步平沙晚悽送鵲鴿淚萬行

時春泉
兄新逝

南窓晝卧

石牀偃仰起南風
窓落閒雲雪倚空
一枕清涼三伏外
片時仙夢十洲中
凌歌歌舞雲飛盡
結綺繁華水自東
七尺微軀滄海上
悠然情興老崆峒

感蝗

六月飛蝗過目頻
竒災何事苦斯民
天空不斷回風雪
隴際還驚蔽日塵
倏作青娥摧綠野
旋看赤土泣蒼旻

誰將無食悲生計，祇有催租愁殺人。

次韻喜雨

阿香驅車海上來，白雨跳波雲暗隕。
靈澤千峰潤，枯槁洪泉一息消。
氛埃荷喧戰，劇明珠碎竹。淨涼生寒玉，堆何幸蒼生。迓天錫，從開一噓，一銜杯。

明川

晴碧橫開灩灩春，封姨乍息湛天真。
青冥聚散孤雲影，白鳥微茫落日津。
烟破不知鎔鑑客，月臨擬有弄珠人。

清光不借銀河色
瑩徹靈襟覺日新

曉過章臺

曉霜驅馬過章臺
弱柳依依門半開
夢破巫山雲未散
香銷鴛被日初回
竹低護犬垂朱箔
花落無人掃綠苔
滿眼烟花無限恨
獨輸劉阮到天台

簡吳興謝生

康樂清風費夢思
敢題凡鳥到門時
瑤華日仰今何暮
玉樹雲停迴末期
半夜絲桐還自貯
平生塵榻為誰私

自序
卷五
碧窓看盡滄溟月寥落燕山濁酒卮

雪中趨公

半夜紅燈踏雪行北風凜凜玉珂鳴貂裘被體故仍薄
羔酒衝寒力已輕千里辛勞成底事一官衰老笑微名
海邊茅屋何時返金鉅融融睡到明

春夜不寐

金柝聲殘夜已深鴨爐香炷擁寒衾松根餘雪侵窓冷
竹杪頑雲接地陰坐久虛堂春悄悄夢回瑣闥夜沉沉

無眠不盡山城漏
暗送啼鴻過北岑

春曉水邊感興

曉策花驄傍水涯
清光何限竟誰知
平湖雨霽蕪葭綠
曲岬風柔楊柳垂
烟渚鷗閒開逸興
滄洲春晚負佳期
塵埃滿目空奔走
衰倦應慚歸去遲

次韻李南川覽趙氏山泉

啼歇鶯聲午閉關
捲簾長晝看春山
洞門花落憐風雨
石窟泉鳴訝珮環
幽景不知辭組去
紅塵空自羨人間

相過聊對芳菲醉合釋羈懷頃刻間

喜晴

封姨夜半驅黑雲羲和海上推朱輪氛埃淨洗碧天闊
物色清開玄圃新光景無涯輸老眼觴詩有興屬何人
迂踈夙媿抽簪末白首紅塵悞此身

秋晚

孤城秋老欲黃昏扶杖閒堦踏蘚痕芳咀落英來砌畔
吟聽促織傍籬根微風病葉先投地斜日寒烟半在門

詩景滿庭人獨倚飛鴻送盡水南村

寄酬陽信董光祿二首

燕山鴻鴈惜離羣二十餘年杳未聞
綠野可能敦夙好鳳城長憶醉宵分
滄溟迢遞勞春夢嶺樹蒼茫送暮雲
白髮已衰空桂結瓊枝何以慰清芬

碧筒銜鳳翠屏巖

勞山巖名

青眼披雲白雪篇風雅曠聞金

石韻輝容宛覩玉堂仙東山久亦從踈放西子那能鬪
媚妍醉裏揮毫何以報不成金錯意茫然

送丘月林制闕還京

故人北上黃金臺，烟花春暖滄溟隈。
荒山人遠不相送，仙塵望絕空徘徊。
十載朝廷慰如渴，九天雨露欣重回。
巖廊擬翼明聖績，烟波一竿何快哉。

聞喜五詠

嘉靖乙丑二月念九日慎脩春捷來喜慰存
沒因遙第其榮恩而五詠之用識草茅之溢
慶云

飛報捷音

癡兒謬附黃金榜阿祖今酬素日心六紀桂香承杏苑
十年雲路到瓊林禹門雷吼蛟龍化魏闕風飛海岱音
垂老不知天地報壯懷記取慎清勤

臨軒策試

太平天子肅臨軒廣輯英賢慎采言金殿日明春晝永
翠簾烟捲御香翻鳳鸞際運鳴時盛豚犬傾愚答聖恩
野叟媿無今日訓早期董賈此迴論

臚傳丹陛

瑞騰烟靄溢彤庭
仙御旌幢拂曙星
千載龍飛雲雨合
九霄綉下姓名馨
黃金臺上天恩渥
玄錫人間曉夢醒
濟濟鳳麟輝日月
兒曹忝竊慶周寧

宴賜瓊林

瓊林賜宴平生慕
粲子何知此日榮
玉笋碧桃窮日醉
宮花綠鬢裊烟輕
恩光滄海三千里
人在瑤臺十二城
遙想蓬山歸路晚
新郎簫鼓競相迎

榮釋褐衣

褐衣本自草萊衣
聖主登崇革賤微
野水烟裾迴珮玉
雲山芝袖謝牙緋
春風文炳於菟變化日
儀瞻綵鳳飛
一介寵光何所報
仲山袞補勉歸依

十月初寒圍爐小飲

一壺春酒對紅爐
十月初寒慰老夫
雲影滿窗松影亂
雪花點地柳花鋪
弄孫清夜歌唐句
教子彤庭效禹謨
一枕遊仙歡賞後
樓臺深處擬蓬壺

掖邑張南溪老友以趙見亭侍御詩扇見遺用
韻寄答二首

日攀危磴俯回溪遊賞清樽迴自攜花氣喜涵香靄榭
潮聲驚落蠹雲堤修篁對酌風前舞好鳥窺人林外啼
醉裏狂歌閒裏卧簪裳回首是沙泥

衰翁無復志磻溪山海逍遙一杖攜尋話野僧春日寺
聽蟬高柳夕陽堤閒情不遣花空落清賞曾教鳥自啼

遙向舊知揮醉筆休教翰苑鄙塵泥

趙侍御以翰苑擢也

桐陰

瑤臺鬱鬱綠生寒
淨掃莓苔坐自看
日下平鋪金翡翠
月明齊上玉欄干
來儀擬集丹山瑞
戲翦休教紫禁殘
老我琴書孤榻下
不知冠蓋滿長安

柳色

飈風弄日翠依依
逐歲春妍故不違
映渚不隨流水去
臨歧常送玉驄歸
臺城堤上無興廢
陶令門前有是非
莫向笛聲怨憔悴
好隨烟叟上魚磯

竹韻

幽響蕭蕭隔座迴秋聲遙送楚湘來驚風滿院清如許
度靄聞窻靜可猜瓊珮人歸明月下綠琴調合碧雲隈
高齋剩有銜杯趣七子襟懷曠古開

蕉聲

繁誼庭下卒難收風雨番番可自由朱箔不堪雲悄悄
綠窻無奈夜悠悠綺羅萃蔡驚初度金石琤鏘聽未休
獨倚珊瑚向殘漏不成蝴蝶惱莊周

次韻高雙泉翁登樓寫懷

雨霽烟蘿故故涼，悠然塵外豈皇皇。
垂綸適慰依滄海，緹馬曾教度太行。
畫閣捲簾舒遠眺，清泉煮茗潤枯腸。
山人本自無多事，酬倡新詩靜裏忙。

慎修以夏曹郎出守維揚，經年懷想，間書來鬢，
漸生白，因而感賦。

庭教原來輔聖明，十年燕闕又江城。
嗟予斜日青山暮，聞爾秋霜綠鬢生。
南鴈怪遲滄海信，北堂莫慰綵衣情。

遙知蹇蹇難為孝不遺書題老淚傾

用韻丁丑除夕

衰老頭顱盡已絲挑燈又送臘歸時心慵萬事慙予拙
骨隱餘酸祇自知倏去年華憐栢酒幾迴春色向花期
玄修已與靈龜合詎向人間一朵頤

用韻書懷三首

紅塵回首笑牽絲正爾烟霞放浪時碧水青山如有待
好風良月屬相知侯封姜望今非望壽擬安期那可期

陶意琴尊從白首不將熊鳥作顛顛

高節桐江慕一絲壯心苦惜暮年時
隨珠夜擲多相訝楚璞烟涵幾見知
碧柳自我棲靖節朱絃欲奏失鍾期
危樓惟有滄溟月弄向清風一解頤

冥搜太古繹蛛絲得意酣歌向暮時
花鳥閒情惟我適松篁雅操更誰知
名虛蝴蝶須臾夢身寄蜉蝣浩漫期
事變古今堪大笑悲絲何必淚交頤

哭內弟高介亭二首

介亭負俊才尹畿邑之豐潤以覲事殂京邸

聞訃哭之

一宿中宵隕帝京悲風飛訃過蓬瀛傷心迢遞還疑夢
淚眼潺湲且未晴英采何歸空抱恨遠書猶在可堪情
芙蓉別館塵凡杳腸斷朱絃夜夜聲

英才何事委窮塵痛絕清時失鳳麟分桂有情憐帝子
種花遺惠哭丘民道旁說易期何夕地下修文是幾春
獨倚東風一相弔知予滄海更何人

戊寅新正四日雪中用唐韻一首

粉蝶驚春下短墻
楊花早點鬢邊霜
月明迴徹清虛府
帝澤先沾綠野堂
穠李駭看初歲艷
枯槎猶借一時粧
園林是處生春色
愁殺窮荒仗節郎

己卯新正年登八表家宴偶成

青眼明時八十春
白頭竊擬渭濱人
青藜不用扶衰骨
絳雪何須健老身
鳳凰雙借桃洞久
桂蘭疊見武陵新
神仙猶恐虛無迹
歡會蓬瀛此更真

次韻登城樓

苦悲塵市上高樓老眼遙開天際頭絃管雲霄窮晝夜
海山今古幾風流汪洋萬里樽前興紫翠千重分外幽
一縱豪吟來勝概雅懷曾計未齡適

金井

小鋪金井碧粼粼瓊玉參差照眼新花落清防俗客至
苔生喜趁綠錢勻月明細浪聲沉夜雨霽如篩淨脫塵
醉向晚風從健倒摩挲驚汝莫相嗔

七月十二夜

幾日煩襟暑不清
天街此夕慰涼生
翩翩華月隨潮上
靄靄青烟抱樹輕
露下寒蛩悽四壁
風前清漏杳孤城
秋堂欲問如何夜
竹影依稀石徑橫

春山

學彎新月兩分明
春靄連山淡欲盈
入室纖蛾曾見嫉
隔牆橫翠重關情
王書不至雙規損
黛色初勻八字輕
宛度清揚桃扇底
怕教心捧更傾城

秋波

翠湖初落熨晴波
明媚秋生奈爾何
金鴈月輝珠未穩
玉臺雲散鏡初磨
霜紅密意盈盈度
銀浦幽情脉脉多
幾許清光無限恨
姑蘇一瞬罷吳歌

哭黃海野妹丈三首

可惜仙才黃海翁
秋風星隕海山東
驚人綵筆原無敵
直已清朝本至公
湘水不歸蘭蕙老
長沙弔去古今同
蒼生莫慰當年望
橫涕滂沱哭上穹

逆前韻

有懷無路訴蒼穹
泉下人間渺不同
何日化歸華表鶴
千年腸斷石城公
青山南卧心猶北
白髮西沉我尚東
終日憶君君我棄
空餘殘夢哭山翁

錯前韻

暮景衰殘爾我同
斷雲落日已辭公
傷懷問疾虛青簡
無計招魂向碧穹
遼海燕山總春夢
惠音良晤失佳翁
痛君洒盡平生淚
淮水無情日夜東

自傷二首

幻身千古盡凋殘是幾登仙幾涅槃
迷境難開千眼相衰顏誰駐九還丹
晚來歲月驚如擲老去情懷澹自酸
冥造不須愁裏誤酒杯端合強追歡

同游漸損逝川波病體支離奈老何
甲子已週仍有幾春秋過盛亦無多
仙凡杳鑿終難合海岳沈迷豈易磨
學道未成雙鬢雪悠悠人事日蹉跎

雪中偶書

瑤竇萬里逐風回漠漠窮陰冷不開野水冰連龍甲去
海山碧浸玉壺來八荒旋作殘年瑞三尺仍餘浩劫灰
獨倚老松醒醉眼平原不辨楚王臺

人日觀雪

青靈乍喜布陽和滕六侵權恣意過漠漠彤雲昏日月
皚皚白晝失山河東風欲拂全無力宿莽初萌且奈何
老眼仰天開一粲翻飛看作撲燈蛾

雪中潘邊二老見枉夜歸有懷

黯黯山城暮雪天
幽軒解榻集英賢
蓬雲寒度潘邠老
竹靄清延邊孝先
暖玉醲醺醒紫茗
博山香散拂朱絃
情瀾未竭仙舟放
無影月中人不眠

首夏雨後曉起

列缺奔雲裂海山
夜闌雨歇曉開關
修篁睡鶴寒烟紫
小院無人細草斑
啼鳥不來詩興寂
落花飛盡酒杯閒
蒼苔滿地抱孤悶
獨眺滄溟縹渺間

和穆少春前賜詩扇二首

踈狂取笑草鳴蟲豈為幽蘭播遠風
曾媿鯉庭無異教
悞將鼠璞試良工
玉堂綵筆馳聲久
丹桂青雲奕世雄
池上鳳毛今不爽
海人休說郢人同

書翰忘辛擬
蓼蟲酒酣隨意灑
清風脂鉛不識慚
愚婦
刮鬪無能媿
拙工
孫廡飛黃來藻鑑
薛函結綠際
英雄
玄珠未必遺
滄海
此日何堪象罔同

和穆少春後賜詩扇二首

翰墨齊紈謝
鮑才龍門迢遞恨
難裁銀盤爛自滄溟吐

錦綺新從蜀水來白髮可能承玉唾清風猶慙滌煩埃
神交徒爾侵衰暮却幸兒曹侍酒杯

抱甕忘機老漢陰詩從鳳沼忽驚心孤高莫和陽春曲
千載俄聞大雅音武庫乍開寒凜凜文虹遙射影沉沉
詩豪適快明時覩悔藝猩毫自不禁

海壑吟稿卷五

欽定四庫全書

海壑吟稿卷六

明 趙完璧 撰

三言

五雜組

五雜組宮姝色往復還歌換拍不得已東方白
五雜組便佞口往復還豺虎走不得已中散酒

四言

翟家嘴道中

高山嶄巖冰溪澗結北風凜如同雲雨雪太荒陰烟飛
鳥欲絕僕夫恍然征車未輟前途何依想望天闕愴彼
東溟我心已折

過西巖寺山

陟彼東巖寒雲蒼蒼驅我軒車險阻且長猿猴我戲虎
豹我當冰雪蔽途顧望斜陽左攀雙輶右憇干將奮然
萬里以趨康莊

五言絕句

高玉翁左史見枉用韻賦簡五首

夜堂酣若下春豆薦王餘酒興闌珊後乘龍過太虛

其二

孤雲棄朱袂五柳謝金魚蕭散風塵外相將慰索居

其三

山鳥避人飛丘林遯自肥不緣黃鶴度盡日鎖烟扉

其四

春殘兼暮景志協怨離居處處堪乘興時時有報書

其五

南極星飛彩東溟月漸西青藜扶去晚伴影度雲溪

感物二首

欲繫日沉彩欲障水湍流東西不我與耿耿心獨憂
嗟嗟三閭子不復得懷王早以蕙蘭悞豈虞蕭艾香

春間四首

曦射窓烟破風飄花露寒鶯聲清夢覺春色獨凭欄

其二

鶯轉玉笙細苔涵碧錦滋楊花春欲暮睡起和陶詩

其三

寂寂閒庭靜離離春草生朱簾白日永空復落花情

其四

春陰山館閒雲靜松花老玉琴寂不調清觴為誰倒

早春有感

東風吹老鬢衰槁漸成銀不及閒庭草年年綠意新

草露

溥溥草上露珠璣
明日華豈不照青眼
須臾良可嗟

鹽城獨坐

獨坐淮南邑
經年不可禁
囊琴望秋浦
對日又西沉

感朝雨

昨夜衆星列
今朝雨不絕
天時無定期
人情那可說

有感

早有看花興
烟雲竟不開
每當花時節
腸斷幾千迴

鬢上偶見一白

鬢上一莖雪眼中一點血萬事竟蹉跎難教心似鐵

寶應湖漁舟

湖天一葉舟舉網此生謀幾許風波惡艱危不自由

小筆芙蓉圖

幽石結靈根繁華不相識仙姿媚晚秋金屋無顏色

六言

秋夜

涼月叫殘蟋蟀西風落盡梧桐滿耳秋聲不寐寂寥延
佇庭中

春日

微雨洗明苔色暖風吹破桃花竹裏酒醒無事徘徊春
日西斜

宿靜寧州

踈竹半窓橫影濃霜滿院飛花夢破燒殘紅蠟更闌冷
墜金蟬

晚遊溫玉齋官邸亭臺

幽境亭虛綠蔭良宵花落青燈殘月蒼蒼人去斷雲夢
寐武陵

醒眼楚臺烟月推襟晉代風流中夜燒殘絳蠟孤城唱
徹銀籌

七言

雨曉看菊

向曉踈籬看菊黃夜來微雨沐新粧西風好待吹雲霧

合送清香到玉堂

對菊小飲

小徑黃花艷艷開
晚風時有異香來
長楊紅粉知多少
爭似年年照酒杯

青州道中觀古塚

荒塚纍纍春草青
行人指點未分明
英雄寂寞前朝跡
落日東風恨未平

道遇寒食憶宋之問
馬上逢寒食句五咏其韻

鞦韆女兒桃李下柳外行人駐征馬驕馬嘶風桃李香
愁人落日雲平野

東風浩浩吹平曠紅淚紛紛號塚上滿地梨花春又來
松楸海上悽行況

荒村寒食雨濛濛柳拂嬌青桃欲紅山館留連聊把酒
佳時塵世苦難逢

雲外烏衣怯曉寒花間杜宇泣春殘冷風踈雨行不得
南陌清光自可嘆

小雨清明烟火熄寒茶冷酒強飲食雲冥家遠野草青
盡日相逢不相識

山猿竊桃圖

佳實祇應酬國士綠香翻為野猿探不緣便捷先偷眼
自是山翁午夢酣

觀泉圖

懸泉高挹九天迴雪瀑虹飛塵抱開合笑狗名徒洗耳
灑然何似洗心來

琵琶寫怨圖

紅顏共策息金戈
淚落哀絃奈若何
昨夜單于擅帳底
分明猶說漢山河

紅葉題情圖

潺潺御水出重關
空復題紅信不還
薄命誰云秋葉似
爭如隨水到人間

夜聞琵琶

何處琵琶向月明
粉牆低度晚風清
夜深多少玉嬌怨

寥落江州恨未平

次韻野居

滄溪遶屋野人家風靜門閒鳥篆沙清夢乍回春晝永
黃鸝啼上碧桃花

次韻春日感懷

朱箔微風燕子斜江山紅綠總春華酒酣偶作慵騰睡
夢醒飄零幾樹花

次韻答張當軒節判

白晝樓臺空對酒朱簾烟雨獨看花
瑤華慰我惟平子
祇恐春深早及瓜

一枝春色自應憐羞向東風鬪媚妍
可恨少陵寥落久
無人驅馬過寒川

秋閨思

西風淒淒木葉下涼月皎皎抱君思
思君見君一相慰
夢回不如無夢時

次韻宮詞五首

金史卷之四十五
卷六
宮柳垂垂露欲黃西風吹冷妾衣裳妾身宮柳難相似
咫尺東風入建章

昭陽殿裏醉陽春歌管風來夜夜新錯向臺前怨顏色
施恩承寵不由人

踈鐘夜半過長楊歌舞爭能得帝王書卷筆牀何所益
當年悔不事宮商

聞道仙幢下九垓是誰巧引羯車回慙慙學挿朱扉竹
又恐君王緩步來

中使開局曉一通雲車傳駐上陽宮黃鶯喚醒殘春夢
獨對東風惜落紅

塞下曲

萬里胡天一寶刀霜風透骨不知勞壯心豈為封侯賞
不遣旄頭傍夜高

次韻古城

陳迹興懷空野芳賢愚千載總亡羊牧兒不解丘墟恨
橫竹秋風弄夕陽

攜琴小圖

滿天秋色月明中
散步石梁趁晚風
是處寒蛩縱繁響
乾坤無地理絲桐

次韻趙松雪胡馬圖

俊逸風流帝室人
素衣無計染燕塵
畫來胡馬千年在
遺恨中原要認真

次韻王媵出塞圖

昨夜燈前舊守宮
朝來零落向胡風
無緣紅粉違明主

錯恨黃金買畫工

冬日過崔侍郎墓

殘麟蕭索半梅開
潮咽悲風萬古哀
金盃玉魚猶地下
行人誰謁侍郎來

次韻雪夜

侯門燈火尚遲眠
酒美歌樓別是天
却有鐵衣三十萬
誰憐徹骨冷屯邊

風流太守

風流太守飲西家
纔自東家日已斜
樂意未央夜未曙
不知門外雪飛花

讀朱淑貞弔林和靖二絕因用韻偶成

婺女躔分處士星
楚波宋焰有餘清
何緣紅粉孤山弔
技癢千名豈令名

十二欄干腸斷時
鸞凰失意却緣詩
不將化石心應老
猶向詩人弔古祠

用韻京邸春夜感懷

寂寂松窓涼月斜
客身何事滯京華
青燈落盡愁無盡
酒美燕山不是家

坐對楊花

何處楊花小院輕
捲簾孤坐午風清
一春寥落江南夢
腸斷吳姬勸客情

都城聞西郊閱武

金郊月落促戰鼓
壯士喊聲怒如虎
將臺百尺高入雲
北風寒透將軍股

月夜會寧縣道中

半天玄靄浮沙漠，萬里荒山接草萊。
千古嬋娟恒此度，不堪人自海邊來。

次韻鴿山晚釣

一片閒心繫野藤，羈人紫翠遶千層。
孤雲小艇迷春夢，月滿寒灘未起罾。

感懷

六十餘齡羈海頭，山川遠興恨難酬。
龍鍾鶴髮心猶壯。

日逐白雲天際遊

春夜

深院鞦韆兒女情
桃花香暖月華清
碧窓夢破啼鴉散
楊柳風前笑語聲

鹽城初夏雨中誦不知春去幾多時
紗窓幾點黃梅雨之句用賦十四首

雨中紅瘦空肥綠
強把餘香留寸曲
酒酣陡覺壯前春
為問來春還勝不

寂寥粉署少相知微雨霏霏織暮絲惆悵故山飛客夢
不堪楊柳喚鶯兒

芳菲零落已殘春可惜韶華客邸身清吏戒嚴孺子事
旋將狂叟作羈人

紅芳夢裏謝春歸白髮天涯仍醉去膏騰幾日未開簾
莓苔綠遍閒吟處

齷齪之畏何首尾七十餘齡知有幾賞心莫問春去來
東燭風流自英偉

雨落殘紅曉更多留春不住柰春何春來莫遣傷春後
幾度春歸兩鬢皤

正是桑榆陶寫時客中絲竹媿羲之淮南四月風和雨
盡日垂簾獨賦詩

異鄉紅紫老春華故國芳時不在家柰爾青青數竿竹
天涯風雨伴窓紗

連朝風雨度滄江接地烟雲暗海邦王事沈郎仙棹迴
白頭半夜倚寒窓

踈雨冷風暮復朝翠林紅萼知餘幾十二闌干無限情
錦囊清晝閒焦尾

兒役王程我拘檢官衙雨漬重門掩菘園湖水綠千重
不見蓬山青一點

別將鼓吹慰詩腸斗酒芳柑傍海棠調得玉笙無覓處
青烟低度小鰲黃

楚天四月熟黃梅雲雨年年會早來日夜不堪江上客
寂寥惟有掌中杯

酒醒蕭索桃花塢雲冷玉屏詩思苦楊柳風清燕子低
幽軒簾捲黃昏雨

古意

飛夢依郎不可招郎音杳杳妾寥寥思郎不見郎帆在
日日門前送暮潮

鶴林玉露紀王荆公晚歸鍾山放魚詩或因刺
一絕余亦效次

相業當年負讀書一番新法太迂踈蒼生望絕公孫惠

何事終山學放魚

七月十四日觀虹

半天雲雨半天晴
雌蜺連蜺斜照明
莫自巫陽歸意倦
晚拖腰帶背人橫

曉起小雨落花滿地感賦

小雨廉纖曉意寒
捲簾秋色落花殘
無情一夜風吹盡
可柰多情滿地看

丁卯鹽城九日

江峰迢遞獨登臺
滿眼黃花暫舉杯
兩度重陽歸未得
秋風千里望鄉來

問僮

碧紗離離清影開
青僮掃花來
玉堦隔窻朝朝數
相問陰晴一夕不易猜

春殘漫書

啼殘野鳥春歸去
開遍好花人不知
向曉高堂對青鏡
蕭騷惟見鬢邊絲

翫庭前風竹戲書

嬈娟細竹玉玲瓏
嫋嫋纖腰不耐風
誰遣楚宮如意舞
婆娑對酒日西東

次韻李亨菴辛夷花

惆悵春殘盡日中
新詞欲寫倦柔風
珠璣不逐猩毫落
意匠悠悠鑄未工

閑來承寵若為容
倦寫蛾眉獨倚風
滿目楊花心緒亂
彷彿桃李不言中

鹽城官署對葵

偉幹穠妍冒雨華
粉墻搖曳晚風斜
黃昏小院無人見
孤負年芳獨自嗟

雨夜

城頭落日雲重重
倦吏閉門睡正濃
雷雨滿天來半夜
定知海上起蟠龍

翟家嘴感懷

老妻海上腸應斷
弱子河西淚滿襟
獨向關山對明月

離懷三處總傷心

春日即事四首

滿庭芳意綠茸茸
獨向瑤臺步晚風
一片殘紅飛翠蘚
可憐春色寂寥中

一聲兩聲山鳥啼
三日五日春雨淒
柴門暗鎖柳花碧
閒館無人醉似泥

松篠隨風如意舞
石牀雜蘚五色組
悠然醉卧了不關
一夢落盡桃花雨

脩竹娟娟塵外幽
蒼苔滿地落花浮
青藜散步東風軟
無箇軒乘無箇愁

睡起

寂寂清軒老病身
閒情無賴寫無因
日長翻為琴書累
恰度華胥意興新

劉春臺太守州治有大觀天日近
雄勝海山連
之聯因十詠其韻簡上

夔契唐虞值良會
熙熙四海春
無外酒酣欲作太平歌

映然劍首乾坤大

海國熊軻一縱觀凋殘此日際劉寬東風到處蘇春槁
紅樹啼鶯物色歡

聖明側席苦遘賢卓老東來慰所天籬落不驚明夜月
桑麻無事鎖春烟

焦枯潤溥商家霖凝泣欣宜盾之日岐陽曠矣三千秋
青荒赤子今寧一

天地爾我元相近四知今古欽高韻何物猶煩暮夜辭

私門爭似無人問

風流儒雅慕豪雄
勲業文章海岱空
天地無私人似約
仲舒端合到天東

癯自從肥窺戰勝
清操冰玉呈孤瑩
負義封侯自烈然
塵埃詎為如鈎應

廬陵太守來東海
政和化美春常在
慣尋山水積英賢
朱絃欲奏朱顏改

龔黃芳譽重如山
可慕當年不可攀
銀筆恨無今日傳

循良猶在口碑間

散逸雲林徬惠連
佐時全仗廟廊賢
閉門不解當時務
只合教兒讀諫篇

次韻高侍郎鵜鴿山

百年幽癖向烟霞
海岳茫茫日已斜
開老蘋花秋浦靜
野鷗來往水邊沙

次韻東山樵逕

謝組樵雲白髮餘
閱來塵世合幽居
蕭然一逕林巒外

未必人心似坦如

栢闌將軍廟

俗傳將軍戰韓信敗死廟於此

將軍身自舊周來大義還當仔細裁
禦漢祗知今日死帝秦已遣後人哀

落日二首

碧簾涼生愜日斜胭脂飛滿玉堦花
幽閒簾捲汀烟紫遙送輕鷗過海涯

古木陰陰獨據牀
微風颯颯暗生涼
餘酣清眺暮雲盡
萬點碧山秋興長

金身范蠡

報國忠良義自深
幾微早已見君心
金身却恨功成去
不去終難保似金

雪

朔吹飄飄雪滿城
瓊飛月瑩眼中明
君看千古興亡迹
謝館袁門一樣平

久雨新晴小步

雲雨連朝不下堂
新晴小步翫庭芳
莓苔為我開清興
是處氤氳翡翠光

瓶中花

清秋紅翠浸冰壺
浪遣人誇絕世無
壯志肯教摧寸草
長松古栢擬身圖

閱閩鐸斲脛河之作用韻感賦

當年斲脛劇相看
股慄行人阻曉湍
莫笑行人行不得

不知天步已艱難

獨酌

綠酒金樽花正開
閒庭白日好風來
樽中酒盡還沽得
花落明朝可易迴

正月九日夢與春泉先兄凭欄看花賦詩覺來
記首二句續補一絕

日暖風清花正開
雕欄雙倚共徘徊
春窻夢破夜沉寂
浙瀝寒聲竹裏來

癸酉次韻新春試筆十首酬友人

綵筆冰消試早春
墨花香暖暗薰人
媿無珠玉篇篇瑩
却有龍蛇字字真

玉函暖透碧泓春
猩頰鸞箋更可人
掃去忽驚風雨落
右軍瀟灑自清真

揮毫不敢和陽春
逸少休論北面人
但使醉中常作客
有神詞賦却怡真

蕭蕭短髮又經春
萬事崢嶸屬後人
惟有中書不終老

漫憑哦句寫天真

七十高齡又始春
衰延愧過魯儒人
一生詞翰空成拙
曾悟玄關三昧真

筆陣珍傳幾百春
杜家詩法要驚人
年來漫興揮毫處
草草花箋不用真

大夢悠悠幾許春
浮生不悟古今人
酣觴高詠暫須樂
蕉鹿從來認未真

風軟晴開碧海春
日長暖愜白頭人
風流對客揮毫處

何用蓬山漫訪真

紫極恩光萬里春
觴詩歡賞百年人
木公金母知何許

雙壽重逢此樂真

時叨膺寵命鄉人有
雙壽重封之慶故云

揮灑憑誰共好春
青雲何幸挹詩人
十分佳句凝清聽
大厯風流亦迫真

聞蟬

清響疎桐向夕流
年年一度使人愁
白頭已盡驚如雪
又被催人鼓缶遊

欽定四庫全書

海壑吟稿卷六